

大覺普濟能仁玉琳秀國師語錄卷第七 幾七

嗣法門人行岳編

詩偈

贈履坦禪人兼報天一居士

鼎立三峰勢挿天嶺門雖闢白雲連飛鴻

傳得人間信石壁難依過別川

入磬山

隱居風範依然在說法堂前任草生莫謂

門庭能閑寂從來此道少人行

示退菴重子住致山

澄江有山孰多僻致山兩灣蒼翠積澄江

有水孰多情致山前後致水平當年一身

澹如水夜隨明月過深林化山擬作推蓬

室扁舟乘興堪深入汝今爲我先去住菴

傍閒地多栽芋忘世情懷爾我同茅鑣鐵

鏗振先風得人不在門如市猶憶當年面
壁翁

贈禪人

見道誰修道忘山好住山雪深巖屋老百姓
衲一身閒

又

重巖之下茅屋耽耽有幽人兮雪立冰餐

又

好山如畫畫如山紅葉村村杖笠閒看到
桃華成一笑再來雲外訪柴關

守塔懷古

多年黃葉類形骸此日徘徊誰偶諧麻衣

草履食接氣象骨崖前呼再來

咏懷

千峰絕頂尖頭屋草薦柴牀火一爐三十

年中無一事諸方何處覓潛夫

靜夜思

枝枝葉葉月疎疎密密風誰共躅流水倚

杖石橋東

題壁

星高月曉松雨滿衣西岡危坐嗒然忘歸

偶題

月漫千山冷風鳴萬木清一聲村外犬客
路有人行

山居

荒涼苔壁寺孤冷草堂人雨後舒長望庭
泥虎迹新

烹泉

廣修供養事如何百沸清泉上佛陀早色

爭妍排闥入鶯啼古木梵音多

對鏡

華山蘭若

對鏡吾非昔捫懷志自新何林一枝別蔭

我雪霜身

冬日有懷

荆山旅堂

空階柏子落饑鳥入門來千尺危巖下梅

花幾樹開

望臺山

荒澗三千路高閒一萬人當年冰畔石遲
我未歸身

舟居

三却竹林

澹蕩寒煙古木孤懸雪浪輕帆只在尋常
行處杳然萬壑千嵒

又

一葉千谿水三孟六月霜逢人不舞棹高

卧對斜陽

冬歸草堂

潛形餐栢實放目看梅花何處忘機客同
來灌古龕

濟寧道中

臨溪茅屋臨簷樹雞犬依依水國村虞夏
平成風化永江南江北共林園

讀白樂天詩懷扣水

舟次東昌

池上有小舟舟中虛胡牀我心久忘世愧
未使世忘

甲馬營夜泊

水上舟如鐵人間事若蕉無爲與無欲誰
共我逍遙

節食

寄形天地間飲食唯接氣翛然等個人明
此澹泊意

龍淵南塢坐月

松樹三長四短石臺七高八低坐來夕陽
在樹歸去月落峰西

畫寢

譬如木偶人鼓歇索亦住山僧動與靜請
問諸露柱

荆溪道中招友

正是千山紅葉時摩挲石壁好題詩百年
嚼蠟能多味分取松根帶露葵

高祖寢堂題壁

集七
牀頭懸瀑布塔頂長苔衣一住不復入高
寒到乃知

示衆

萬里晴空誰共三春花柳爭遊王孫醉眠
芳草何似漱石枕流

我有蓮舟一葉沙城芥劫全收高歌垂壺

擊破童稚出沒洪流

山居

胸中無一事終日坐閒閒睡起摩挲腹山
間與水間

高步

登山造極步自此始有懷君子行遠本邇

促都監立還山

山中有佳月宜人終夜看山中有好風解
衣可盤桓泉鳴千嶂寂松靜一濤寒永日
鳥相喚清秋蟲自紝解聽紫芝曲喬木在
層巒活埋與斷壁千古仰金蘭時哉石梁
雉雪飲且霞餐

普請口占

年來漸覺精神復老去偏知日月閒飽飯

卷七

五

安眠無一事椎鳴隨衆看秋山

枕流臺題石

山中流水寂無聲枯木生花別有春若箇
到來知解絕紅爐分取萬年冰

庚戌二月磬山題壁

面目分明徧界親偏於此地受恩深三更

月下低徊立恍是當年侍拂巾

磬山揮塵臺

先錄法濟十咏
之一有此名

松根時獨坐花雨不從裁憶昔別峰侍無
言聲似雷

庚戌題壁三首

本是矜矜自了僧飽餐安寢別無能酬恩
報祖雄明哲斗室焚香懷古人

一盞霜華半榻雲無求無喜亦無嗔三更

對月開扉坐慚愧焚香侍立人

目一山晴

楚州題壁

卧倚青山飯白雲谿聲鳥語共晨昏空庭
有隙栽蘭蕙減戶無蹊入怨思

捲簾

尋常入望驚殊絕何意全身住此中傳語
巖棲木石侶時時放眼識雲松

獨樂園雨後二首

一船銀鳳玉龍騰想見霜華此得名步到

上方忘藥石勞他從者請頻頻

枕流石上枕流臺到者教君悔晚來白鷺

羣飛千碉雪洪鐘大扣萬山雷

巡察至大義閣

癸丑燈前

花滿寒庭月滿林巡察未半欲三更到門

且莫掀簾入愛此樓前布水聲

邗江贈虎公至契

交道江河下於公見古人素心千里月青

澹黃微綠拂疏風到處垂楊適我慵覓得

小舠瓜子大一帆漂渺水雲中

旅堂

愛柳無如我摩挲玩歲年旅堂忘岑寂一

樹適垂軒

開窓

風聲雨聲聲聲入耳花色草色色色幽妍

山居

癸丑

六

竹戶風清江入筵道吾一到至今傳逢場

竿木時思曳戀此華亭雪滿船菴名船子

示淳徒病中

接氣三孟弗消閒一縷香石牀黃葉襯何

處得嚴霜

天目雙清莊

兩峰清拍肩雙谿寒共語中有一徑清音
人此遐舉

金沙顧龍山留題宿處絕句

不問江南與江北枯藜爲友笠爲菴七龍山

半日登臨足又蹣春風去去慈

言志

客夢秋山遠閒情黃葉深脚麻松下石過

嶺寃禽音

題壁

栢庭霜夜月蘚屋夕陽風岑寂非人境大

聲東舍東

廣武題壁

松崖罷聽得梅而樂孤立月庭影落落

萬塘題壁

蹣徧秋林步步霜麻衣草履自清狂逢人
樹側低徊立惆悵千峰華政黃

大雄山居

臨海渾無地潛谿却有邨蘿菴在空碧鐘
動月爲門

懷靜涵老居士

落落松根石蒼苔沒欲平江風吹木葉寒
月漾波清

懷五五弟

江流清日夜今古葉聲乾高卧石牕下一

燈相對寒

絕糧

山空水碧千指壁立摩挲布毛縫衣炊食

壬辰歸報恩

本是金峰苦行身芒屨短挂舞還新漫教

杞棘藩吾室指點泥丸光印人水滿蒲谿
流夜月風生菊徑靜芳辰好來和我紫芝

曲大小石頭正法輪

高齋對月

嗒焉忘言徒倚夜半皎皎毛髮月明九面

禪者請書

有一僊今睡布被裏入被尋伊滿頭尿矢

又

扶起法堂拆却佛殿昔許爾聞今便眼見

又

方寸之樹生石柱底放華一葉覆徧大地

答老母

若欲我度親別無法可度死盡世間心當

下同佛祖

江上十方菴慈氏芟染

七

八

對鏡

有引

修行在行不在說萬事應須猛割截者似斬一握手一斬一切俱了畢頂上圓光含十虛從今更不重埋沒非是山僧輕度親十載先師曾記剃剎那具足丈夫儀法名通光號悟徹不向他人行處行管教步

步蓮華國

通光先菩山
親題法名

和示峰子

山月滿檐諸子侍立面黃者黃面黑者黑或撥爐灰或研墨汁眼明手快善知時節擬索枯腸青藜三十

題壁

卷七

九

此偈贈一切人不能收取須還山僧

萬年冰上久安居却向紅爐放雪飛到處
逢人不相識瘦拳高枕自忘機

向侍先磬山聞鴻山荒寂有願四旬體

胖曳杖往往二十年於茲矣適浴室臨

鏡因有此偈

雲開山突突霜重栢蒼蒼倚徙閒庭寂寒
籬菊晚香

圍爐得月峯

三長兩短此坐彼立當年有叟盆池款客

西樓題壁

不是鴻山舊住僧年來四十骨稜稜金峰
峰下堪鋤石待個英靈剔祖燈

自擬

有芝東巖東風雨石爲屋嵩壁平莫攀龍

山高可逐

江上法願菴

到處耕荒翻石筍今來坐月友寒烟半間

杖底松風

老屋安親膝五合香梗努力煎

草堂月

喬林花滿地晴灝月當天題石貽來哲應

同徹曉禪

代草堂老人示徒

翠幢之下或坐或立惟有一閒長年眼碧
架月峰前獨坐時寶峰塔在翠烟西有言
枕筆吟難就山水蒼茫客自知

中臺書竹

疑立海上峰春潮夜來急笑聲落層崖誰

人和月拾

寄羽明居士

信宿金峰頂喜分半芊香荆溪一葦便拂

袖意蒼茫

草堂晝眠

飯罷松根一榻清波濤萬頃星頭聲年來
滄海扁舟志起立千巖鳥碎鳴

夏夜露坐

星隨夕梵湧月爲殘經留寒暑不到處松
卷七

根六月秋

掃徑

掃出綠雲徑送來銜日山黃花紅葉際杖

笠道人閒

早參罷

明月入窓三尺雪松風拂簾一天濤夜來

有客中庭立不負嵩山折葦勞

大雄面壁嚴夜坐將赴磬山請

愛此一牀月長年卧掩關先師案欲了破

雪問家山

卷七

土

梅軒題柱

此君澹似我我冷此君知風雨應嫌癖落
花生不移

贈豫章齊居士

解學死心禪世居山谷里春風歸去來湘
江流不已

松濤

松濤堆裏來松濤堆裏住北山松濤濶南
山松濤聚境濶勞亦濶境聚閒亦聚不緣

恩未酬誰肯舍此去

示衆

大士誕舟次下相

萬頃清風透碧紗西來一筏濟人賒同舟
莫自拖泥水放下空拳指指斜

歸草堂

幻影歸草堂如臨秋水碧慈憇吾所依松

竹吾所宅蕉葉入欄櫳濃翠濕床席

芟松

愛山尤愛月芟竹亦芟松此夜西窓坐清光到曉風

旅堂雜咏

老松一萬樹新竹百千竿題遍琅玕碧寒

濤枕上看

山居

無念常趺坐多閒時手書海棠開爛熳曳履步庭除

雪齋歌

懷徐羣玉

世間少得休心客我學休心休未能何意賢親有吾子雪齋遙對兩閒人

溪上吟

望見青山眼便開前生疑此坐禪來千巖

絕壁知題石拂蘚披雲搆取画

乙巳五月十有七日

未敢登山侍祖燈傍溪縛屋欲安僧大忘身世人來此看取懸崖千丈冰

丙午題壁

情忘若草木志定素氷霜客悟芭蕉法參同絕較量

秉燭踏雪

愛雪尋廊步臨軒坐擁爐萬年冰畔客習氣未全除

洗澗

庚七

十二

洗澗水深石出裁溪月冷風高兩堂聊蔽風雨看取種竹栽桃

夜坐

山影界天碧燈光在竹末誰來千仞最伴

我坐晨夕

千丈巖西窓即事

枕間懸瀑布凡上疊千山絕學忘機客耳
流齒石閒

對百合花懷延陵公

庚七

獨許空生親見聞滿前香色任縱橫人人
不昧翁真面父子依依亘古今

西方菴題壁

寤寐泉聲三十年今來到處聽潺湲居山
我不嫌風雨張蓋看雲布水懸

樵谿

樵出溪溪水坐平石石峰芒鞋徧四海應
念此山中

龍鬚禮祖

禮取龍鬚大徹堂祖翁面目絕遮藏人來

何處尋蹤跡庭滿六年枕上霜

既望夜參後

滿堂明月光誰踢太白霜坐客亦輕擲題
詩破夜香

有懷

淡紅淺碧八九樹江村茆屋兩三間草履
麻衣食接氣客到平分一味閑

新秋

新秋設藥石橄欖款羣賢苦澁眸雙烟坐
深月滿筵

仰止閣題壁

卧聽松風起啜茗粥短歌鼓腹庶幾知足
辛亥重九後一日示相隨諸子兼懷

下常住是年山邑機

登高三日雨夜來誰有詩兩堂木石侶東

箇歌紫芝

荒園

翠竹兩竿梅一樹梅開竹孕鳥懷春荒園

曳杖日無事揀點生生此性情

雄峰有懷

千峰深處三間屋石壁誰人先養松半芋

平分慰饑渴十年雪卧放疎慵

無能

我是無能者人知我不能海天容浩蕩籬落任紛更莊笑蠻和觸諧稱鯢化鵬綱宗

絲九鼎若箇振家聲

鑿粥

肺腸久與君相洽一旦相逢似故人正脉危微識法懼他年帶箇與君親

佛事

在明禪人火

生也不道死也不道咄哉古人未明向上
一竅報恩則不然在明老衲昨日死今日
擡來對衆燒

亡僧起龕

昔日七賢女游屍陁林一女指屍曰屍在
者裏人向甚麼處去一女曰作麼作麼諸
姊諦觀各各契合師倚杖云者一隊死了
娘好與一爐燒却靈利衲僧別有轉身一
路舉杖指云髑髏跨跳上三十三天東海

鯉魚打一棒兩似盆傾

庚七

悼八十三默真老衲

汝年頗不少汝死頗安好如何連夕來我
心痛徹曉念汝度凶荒屈指可過了不虞
麥甫黃條爾音杳苦樂未易空死生未

易妙未證虛空心重來明此道我哭有餘
哀宿有好懷抱

自覺尊火

專柴頭一生擇木三遷勤
普爲衆臨寂撥置後事願

持藥師名號數
日泊然坐脫

生知所止死知所歸豈無俊士於茲徘徊

咄哉行尊庶不虛爲出世之人

洞如耆德火

隱菴顯火

頭圓頭勤機十年如一日
歲饑禾麥而園蔬獨豐一

之

隱菴顯老園頭十年爲叟荷鋤不休惟是
歸家一路幾番盤辟門頭吾今助汝一炬

黃華白菜處處自繇

印潭入塔

即此物非他物取不得捨不得青山以爲

宅

莫無障開闔黎

一靈皮袋皮袋一靈即此皮袋無障真身
一杯茶孟飯聊盡衆心嗚呼尚饗

奠志一達侍者

老成衣鉢

行達行達汝解四大空我今爲汝說真空

灑茶傾三奠香爇一爐

性空三昧火自焚寶相身今日是我洞如
老灑兄向火燄裏轉大灑輪令大地情與
無情俱證究竟堅固大定現前大衆異口
一音同誦首楞嚴王咒

奠雲標岫侍司

泥多佛大水長船高葉落歸根知已力來

年仔細發春條

峯侍司火

老成衣鉢

雲開峯侍司諦信真空理四大各有歸斯

人無去住無佛處作佛蓮華生碓嘴

奠岸回老衲

者漢生亦如是死亦如是吾許汝如是與汝一杯茶

嘯岳月監院掩龕

庚七

十六

荷衆廿年來歲繞數千指頗多素心人澹

永首肯爾掀眉絕衆緣清光滿大地師雙手掩龕云多少死於句下不能入道的阿

師只作牆壁話會遂轉身設奠

月監院火

萬仞峰頭撒手時千華競放月明枝以炬繞龕云東西南北爲山火堪愛風顛胡亂

吹

奠寂菴洽子

溫雲吾久視來去汝無拘汝有利生願重

庚七

十六

師秉炬云者火從汝十餘年真實心中流

出將來光天燭地去也遂投炬適大雨師

來讀舊書

奠月岸彼老衲

捷去捷來善終善始月岸彼老衲吾不弔汝而慶汝纖纖雲淨夜光寒更莫遲疑落二三拾得灑華橋上笑絕塵千古鬢無雙

爲南澗和尚火

香水湛然滿浴此無垢人吾兄徹始終火裏洗箇澡

爲澹齋化主嚴土善上座火

嚴土土嚴寂善善寂萬善已圓善可嘉嘉

善告寂寂不寂再來重理舊絲綸領梅香

透千江雪

鎮知星火

師秉炬云者火從汝十餘年真實心中流

歸方丈問衆兩從何來一僧云大家一身
濕師云是何言歟復云新遷化上座爲汝
等說乾噪曝禪也不知

量空寬都監火

師舉炬云盡大地是寬上座一隻眼寬上
座面前觸目菩提腦後圓光光萬丈山僧
更爲爾錦上鋪花便擲炬

智周足副寺火

足副寺生如幻死如幻發心如幻出塵如
幻辨道如幻進業如幻甘澹泊如幻忘勤
勞如幻始終一德至死不變如幻更有一
種如幻舉揚待汝重來秉炬云臨行助汝
般若燄照徹人間與天上

爲織造馬護灤火

舉炬云昔年相見無相見今日相違未始

違欲識馬公真面目火裏蓮開大十園

雜著

東語西話

開了兩片皮只是瞓飯罐當世有與麼人
山僧禮他三拜

顛仙謠

憎愛胸中盡是非眼底空泥牛入海後聚
散問漚風

書鴻山語

行脚高士須向聲色裡睡眠聲色裡坐臥
十七始得山谷云東坡文字語言歷刼贊揚有
十八不能盡吾於鴻山亦云戊子春二日荆邸

書

題雪竇頌古

野鵝子知何許馬祖見來相共語話盡雲

山水月情依然不會還飛去却把住道道
頌出雪竇真能於法自在匪夷所思如清
光匝地猶扉夜塘以盡所欲言而妙此却
把住道道以不完題而妙盡所欲言如千
雷並吼易不完題如千日並照難偶閱之

幾七

十九

直欲擊碎唾壺

草堂書壁

日中一食樹下一宿世尊模範如是一語
不設折葦渡江少林九年終日面壁真祖
標格何如

荆山旅堂紀事

丁亥十一月朔著新絮襖飽領本菴香飯
飯餘展足熟睡皆行脚經年未曾有事睡
起一趺晚晴快人遺景在屋庭東大樹茂
綠未衰殊映日溢目忽憶十五年前得先

師烏峰竹齋瞌睡起書牕浣壁時復憶甲
戌秋先師遷吳興報恩是日結冬破屋敗
垣炊巾滿谷羣賢同草眠霜水骨老人支
枯藤指點磚頭瓦礫爲諸人闡寂上機示
時獨處江干野色無垠天光連水曾和老
人寄示偈云師闢山頭宇吾擣水上門脚
全躡實地眼獨空叢林小兒無繩尺曠蕩
之言不謂至今多人成誦昨便鴻南去拈
句寄重監院高歌天地外穩卧雪霜中他
日憶此更作何狀

書巖子紙

大雄道人廿年來炊冰煮雪接納諸方能
三十夏不憚寒苦者敢保出他人一頭地
巖子能否
參禪悟難既悟已忘悟難且道忘悟的人

何如巖子道看

此事極平易極欺人等閒看得平易者此
最愛人欺者也戒之哉

多見人在殼漏子裡譚益天益地之道徒
自欺耳益天益地者能把殼漏子作塗毒

鼓搥

書楚紙

近年少至性衲子益稍有見處不能出頭
天外全體受用多以名利熏心學文字語
言還知但患不成佛不怕佛不解說法麼
筆此覲子和尚卓立紙末

三師說

告有三師父師母師師父師生我眼師

師開我眼母師護我眼父師身示無常此

生我眼者也師師了我生死此開我眼者

庚七

二十

也母師勗我證果此護我眼者也三師皆
有大因緣使我悚然省豁然開惻然痛吾
何修而得此三善知識師也噫吾於荆溪
磬山開此眼於江上水關忘此眼於吳興
草堂保此眼不知何年得真不負三師也

有客躡而問曰忘矣何用保爲曰此非汝
所知也保矣更俟何年不負師曰此非汝
所知也待汝證果地涅槃與汝共報難報
之恩可也雖然父師母師出離之緣皆賴
師師師乎師乎粉骨碎身未足醉將此身
參七
心奉塵刹潛子苦次草述時乙未九月戊
戌

西樓聞雪

潛子早失太山之仰不獲徧任兩序列職
壬辰夏報恩乏住持供先老人方丈重歸

侍室首修殿公務攝客司諸禪極不安潛

子有餘樂也向志夙夜守塔每爲事奪適

寓監院寮後軒篝燈正當寶峰塔下漏下

三十刻聞雪起立不禁清絕向於磬山有

生平徼幸處千古快心時之句此際是第

二番境界時壬辰十一月癸巳手書所用

破硯猶是二十年前記室舊物并記

報恩旅堂閒書

近日學者有二病一等弄聰明習外學一
等守愚抱拙般若不清楚二者皆不可與
言道不識一丁者必如六祖方可不撥文
字者必須遠同西天龍樹馬鳴近同永明
明教始得無過

題壁

本學古人莫視流俗閱趙州語錄自勵

跋趙州三佛話

金佛不度爐木佛不度火泥佛不度水真

佛內裏坐南嶽磨磚江西鹽醬不是過也

又云非四十年不雜用心者不知斯言簡

盡

題藥師日課語

予辭恩絕塵不暇披覽偶入藏閱藥師如
來本願功德不覺手額失聲願人人入如
來願海也或問何於此經驚歎如是告之
曰予見世人順境淪溺者不一富貴可畏
甚于貪賤今此如來使人所求如願遂從
此永不退道直至菩提則欲於王臣長者
一切人中作同事攝不乘如來願航何從
濟乎大凡修持須量已量法直心直行誠
能厭惡三界堅志往生則專依阿彌陀經

收攝六根淨念相繼所謂執持名號一心

不亂決定往生此先自利而後利人者之

所謂也若於現前富貴功名未能忘情男

女飲食之欲未知深厭則往生法門未易

深信即信矣身修淨土而心戀娑婆果何

益乎則求其不離欲鈎而成佛智處於順

境不致淪胥者固無如修持藥師願海者

之殊勝難思也癸巳之夏山居不寧偶奉

親歸養江上晏如程君以刻成藥師日課

見示此出人意表是經流傳已久編成日

課未之聞也乃得之吾江之善士爲之助

喜信能修持久不懈知不獨富貴功名

轉女成男離危廸吉如意珠隨願成就

即得於一切成就處直至菩提永無退轉

何幸如之人間亦有揚州鶴但泛如來功

卷七

三

德船

錄餘杭道中詩

舉目千矛刺淚流若爲問路白雲頭大人

君子今何在長歎一聲天地秋餘杭道中

不知誰書此詩於壁題曰行脚紀事非目

擊其中人者不知此詩之悲也

書禹門先師翁詩後

五峰雲頂古文殊盡日跏趺總笑余半點

苦寒禁不得躊躇未了又躊躇此禹門師

翁臺山卜居詩也師翁證處穩密超脫故

微言澹語中煞有吼意秀生也晚何幸目

聽洪音

跋古德語

諸佛未出世人入鼻孔撩天出世後爲甚

麼杳無消息三十棒寄打雪竇斯言函以

卞玉綴以隋珠供於百寶浮屠之上當夜
夜放千道奇光光中時現二龍發大音聲
金聲玉振千佛萬祖于其音中示生音中
涅槃已丑中秋日手記

跋大慧頌古

相體裁衣量水打碓毫髮不差且居門外
昨夜三更月到牕話後人逐塊亂頌無論
蹉過南泉趙州還曾夢見大慧乎兩牕偶

書

書月祖偈

自笑當年畫模則幾番紅了幾番黑如今
謝主老還鄉那管生平得未得今人輕易
敢稱笑巖後裔余略舉此偈示之請莫造
次

船子菴雜記

中秋前後卧鋤雲堂泉聲山色爭勝月出
當門日亦如之旦夕令人應接不暇數日
來倦忘寢饑忘食病廢藥終夜大啟戶牖
以納之早則堅卧不起金峰僧走候謂之
曰爲我寄語重維那道人近得二入室弟
子清超絕倫僧曰二子爲誰曰皆受馬箇
箕記薦來日面佛月面佛僧擬議筆以付
之曰可并示峰書狀

潛子傳贊

潛子不知何如人自得法先磬山力以大
法爲已任嗣住報恩數載雖百廢竝舉未
庚七
嘗一事營心數千指日環擁叅請未嘗有一
二十一
元字脚與人其許入室者愈臻玄奧愈
爽然自失久追隨者多忘身爲道高年碩
德之侶主法不讓人情時有以訥昭昭靈

書示月庭邇

靈爲得本以識神空爲末後無疑者明辯
其爲狼跋其胡載竈其尾復有死於棒下
以心如牆壁爲明道眼等者直斥其爲將
成九仞之山未進一簣之土皆苦其盲引
衆盲非好辯也人不知而不愠其志潛值
卷七
五

世危亂其時潛布袋和尚贈以偈曰一鉢

千家飯孤身萬里遊青目睹人少問路白
雲頭其行潛遂稱潛子贊曰汝何人斯
其三代之直歟抑乘願而來續垂絕之脈
者歟人徒描汝之形像汝只瞪目而熟視

其潛子歟

書先賢偈

十方同聚會箇箇學無爲此是選佛場心
空及第歸禪人看公案多不透脫爲書此
偈若曰此老僧之常談吾末如之何也已

江國春風吹不起鷓鴣啼在深林裏乳峰
老人三十二相八十種好見此老一光者
百千諸佛同時現前透此老一言勝透一
大藏教咄山僧未免向佛頭上淋漓墨汁

書屏

柏樹子幾時成佛虛空落地時成佛虛空
幾時落地柏樹子成佛時落地善財參後
誰相訪樓閣門開竟日閒

跋保寧勇禪師頌古

煉得通紅打一鎧週遭無數火星飛十成
好箇金剛鑽攤向門前賣與誰夜坐偶憶
此頌不惟枯木頭陀通身毛孔皆笑直教
大地山河草木昆蟲悉皆起舞

偶言

東坡云醉時是醒時語吾於今之言未生
前者亦云

跋古

成株大樹蓋覆天下人去汝師黃櫟非干
我事引者風顛漢叅堂去百丈云一句子
卷七
美

百味具足知言哉

大覺普濟能仁玉琳琇國師語錄卷第七

音釋

閒苦真切傾入邢河干切音
聲寂靜也寒地名 崩秦醉切
櫛移廉切音
步步廊

勅封大覺普濟能仁國師塔銘

洪惟

世祖皇帝聖德顯道彰于遐邇深仁厚澤洽于幽明妙智圓通與如來心印爲一嘗命訪僧伽之行解圓證者與論向上宗旨於

楚七
時有大禪師奉

詔入京曰玉琳琇公蓋天隱磬山之子而

臨濟三十世孫也師諱通琇號玉琳

常州江陰人族姓楊氏父芳母繆氏皆與般若有大因緣師之生也母夢大士

携童子自牖入寤而生師墮地敏悟夙成能語輒誦佛號坐常跏趺十五閱語

錄參誰字凝情大發寢食俱廢晝夜傍徨室中因觸翻溺器有省遂蟬蛻萬緣決意究竟大事時磬山修禪師方弘化

荆溪爐講正赤師直造其席依止受具戒爲侍者進則決疑請益立雪不移退則宴默凝神危坐達旦必欲見道乃已一日于一口吸盡西江水下瞥見馬祖用處不覺身心慶快曰佛法落吾手矣自此遇勘辨發語縱橫自如當機不讓無何辭歸省母磬山密囑徵信曰善自護持勿輕洩也師既歸江陰益韜晦日放曠雲水間偶乘月泛小舟舉頭頓忘迷悟如虛空玲瓏不可湊泊急就證天隱於武康之報恩叩擊之次迎刃不留至掀案而出隱知其透闡歎曰此吾宗獅子兒也隱示寂遺命令師主法席師不從避之凌霄峰絕頂時天龍業已推出雖欲埋名煙壑而衆莫之許師不得

已起應之開法筵之日黑白環遶者萬

指莫不霑被化雨隨根沃潤而去丙戌

過大雄樂其山川幽寂就荒煙蔓草葺

茆爲屋有終焉之志然聲光外流逐贊

者益衆期年復成叢席是時天童方唱

卷七
二十八

道東南其機鋒迅利諸方無能抗者惟

師以法門猶子後先角立應機接物如

疾雷破山龍泉出匣非真實證悟者不

能窺其縱奪之妙以故年甚少出世最

早而握機行令卷舒自由聞者莫不欽

服焉

順治戊戌

世祖皇帝聞師名遣使

詔師己亥春師應

詔赴闕見

上於外朝慰勞優渥即

命近侍送居萬善殿不時臨訪道要一日問

如何用工師曰端拱無爲又問如何是

大師云光被四表格於上下又問孔顏

樂處師云憂心悄悄

皇清大悅

命近侍傳語恨相見之晚焉

特賜號曰大覺禪師名香法衣之錫殆無虛

日尋以母未盡願乞還山

詔許之出內府金錢助之襄事師受賜歸

卷九
三九

以十九飯僧放生而以其一助營塔費

凡畚土運石一一皆身自爲之庚子秋

復

詔至京禮遇尤渥進號大覺普濟能仁國

師至臘月世尊成道日

命於京師阜城門外慈壽寺爲千五百僧說

菩薩大戒又

命作工夫說刊行之次年

世祖皇帝升遐師領大弟子作佛事七晝夜

畢辭還山

欽命遣官護送其寵榮稠疊近代無與同者

師雖遭際昌辰然性恬于榮利無毫髮

矜重意既歸如野鶴孤雲無所留礙會

於潛天目師子正宗禪寺歲久墮廢郡

人順天少京兆岵瞻戴君謂非師無以

舉揚宗風光輝祖席率衆延師居之遠

邇學徒聞風奔赴堂序殆不能容於頽

垣敗壁中一彈指間金輝碧明樓殿上

揮雲際而未嘗見其有所作爲善權之

請師雖勉強一赴然旋思歸老舊林亦

未嘗久留也天性至孝十二歲即喪父
得法後別構草堂于報恩之側奉母居
之躬進飲餚母歿斷食禪定者七日行
道不離殯次者三年先是師之父振陵
翁與受雲栖大戒深味禪悅臨終染衣
自度謂師兄弟不讀書即當出家母氏
亦受磬山記荊晚年離俗依師得悟世
號大慈老人蓋非積慶之家不能生此
大士而師具全戒孝友陳睦州大慧果
之風豈非契經所謂五因緣中真友者
卷三十一
耶晚年慈心益切不憚跋涉之勞意將
窮搜泉石接引縛禪物外而不與塵世
接者嘗歎曰趙州八十行脚彼何人哉
乙卯春遂屏給侍飄然常往因觸熟渡
江止於淮安清江浦之慈雲庵索浴趺

坐說偈而逝時康熙乙卯八月十日也
壽六十有二臘四十三弟子奉龕歸天
目全身塔於東塢菴之後龕師凡六坐
道場七會說法解結發覆妙具善巧雖

沉迷重障一遭鉗鎌冒索無不斷絕焦

茅小草一蒙溉灌身心無不光潤得法

弟子二十餘人皆能傳燈續命接席分

輝者也師廣額豐頤平頂大耳面白玉
色目光炯炯射人宴坐如臨大眾故見

者不威而攝一生不蓄私財即纖細供
養亦不輕受嘗過青縣有苦行僧負斗
麪設供隨舟行者數日師憐其誠爲說

法要即揮之使去終不納也每檀施至

輒教以持歸放贖生命同於攝受雖膺

紫衣之寵而服用不及恒僧既悟逸格

卷七

三十一

之禪復教人兼修淨業五會弟子從師
持藥師琉璃光如來名號得度者至不
可算數皆謂師從彼世界應化來此方
云余昔從

內廷間立法席之後親覩師據獅子座舉明

正法發轟雷掣電之機雖老衆宿學固
知所措既而閉關習靜龍象萃處一室
而戶外不聞人聲至於廣廈細旃從容
詔對語巧意圓窮極實際能助

九重增長法喜一時貴近無不函香問道師
於弘法外不發一言其善慧深厚如此
是以繙素四衆固不傾心馴至名德上

聞于

天籠被鴻名

龍光赫奕則師豈非乘夙世願輪隨助

聖人敷揚大化者乎謂之優曇鉢花千年一

現良不誣也銘曰

西來妙旨 五燈分繼 震動鏗鎬
厥惟臨濟 國師嗣法 三十一傳

金輪御曆

佛日中天 呪率親升

演說般若 光燭大千 聲施九野

應機而出 乘願以來 心光內發

樓閣門開 西江一吸 劈面全體

布袋打失 凡情盡死 扁舟夜汎

水月明融 直入無見 爽破虛空

六坐道場 大施正令 凡聖皈依

天龍恭敬 顯號榮名 自

天祐

開士何心 白雲出岫

天目高峰 上摩穹碧 師錫振飛

祖庭生色 寶臺珠網 彈指立成

卷七

二十二

隨順世間 何經何營 蓬廬終宿
曳杖江口 起滅空幻 我尚不有

坐脫淮上 遊戲自如 死生者誰
隱現在吾 六十二年 悄然無事
居士勒銘 僅有半字

康熙乙丑仲夏

賜進士出身光祿大夫禮部尚書保和殿大學士加三級宛平王熙薰沐拜撰